

1872.

9. ágúst.

77. Bréf dómsmálastjórnarinnar, til stiptamtmannsins yfir Íslandi, um þóknun fyrir umsjón á gjöldum til umboðskirkna.

Eptir tilmælum umboðsmanns Kirkjubæjar og Þykkvabæjar-klausturs, Jóns dannebrogsmanns Jónssonar, hafið þér, herra stiptamtmaður í bræfi, dagsettu 22. marzm. þ. á., stungið uppá, að veita megí tæðum umboðsmanni sem reikningshaldara kirkna umboðsins á Prestbakka, Langholti og Þykkvabæ hina sömu þóknun, sem reikningshöldurum þeirra kirkna á Íslandi, sem eigi heyra til ríkissjóðsins, er leyft að taka, samkvæmt reglum (um kirkjureikninga), sem biskupinn yfir Íslandi hefir gefið út 28. febr. 1867, fyrir flutning og verzlun á landaurum þeim, sem greiðast í kirkjugjöld.

Útaf þessu gefst yður til vitundar, yður til leiðbeiningar og svo þér birtið það, að stjórnarráðið hefir eigi fundið ástæðu til að veita það, sem sókt er um.

9. ágúst.

78. Bréf dómsmálastjórnarinnar til amtmannsins yfir norður- og austurumdæminu, um nafnbótaskatt amtmanns.

Í bænarskrá nokkurri, sem hingað hefir borizt beina leið og sem vèr sendum yður eptirrit af, hefir amtmaður Havstein látið í ljósi þá skoðun, að hann sè að réttu lagi undanþeginn því að gjalda nafnbótaskatt síðan hann fèkk lausn frá amtmansembættinu 1. nóvbrm. 1870, og hefir hann jafnframt, ef svo færi, að ekki yrði fallizt á þessa skoðun hans, sókt um, að verða laus við að greiða nafnbótaskatt þann, sem heimtaður hefir verið að honum fyrir tímabilið frá 1. nóvbr. 1870 til 31. marz 1871, og svo eptirleiðis.

Útaf þessu mælumst vèr til, að þér, herra amtmaður, tilkynnið amtmanni Havstein, að með því svo sè álitíð, að em-

bættismaður, sem hefir verið leystur frá embætti sínu, haldi þeirri tign, sem hefir verið samfara embætti því, sem hann fyr hefir haft, verði sækjandinn að álitast skyldugur til að greiða nafnbótaskatt, og að undanþága frá þessari skyldu verði eigi veitt, en heimilt er honum samkvæmt tilskipun 17. septbr. 1870 að leggja niður amtmannstignina og með því komast hjá að greiða nafnbótaskatt.

1872.

9. ágúst.

79. Bréf dómsmálastjórnarinnar til stiptamtmannsins yfir Íslandi, um byggingu hegningarhúss í Reykjavík.

14. ágúst.

Dómsmálastjórnin hefir í dag skrifað timburmeistara *Klentz* á þessa leið:

„Eptir að stiptamtmaðurinn yfir Íslandi þegar 14. júní þ. á. hafði sent skýrslur hingað um það, að fulltrúi yðar á Íslandi hafði stungið uppá, að byggja eigi útihús það, sem samningurinn, er gjörður var 3. maí þ. á. milli dómsmálastjórnarinnar og yðar um byggingu hegningarhúss o. s. frv. í Reykjavík, gjörir ráð fyrir, og á uppdrættinum, sem fylgdi, var ætlað til að skyldi vera áfast hegningarhúsinu, en byggja í stað þess heldur kjallara undir nyrðri enda aðalhússins, og hafa fyrir þvottarhús, rulluhús og eldiviðarklefa o. s. frv., — en þar er grundvöllurinn svo á sig kominn, að koma má þar fyrir góðum húsakynnum til þessa á hërumbil 250 ferhyrningsálna flatarúmi —, hafið þér í bænarskrá, dagsettri 6. f. m., sókt um samþykki stjórnarráðsins til þessarar breytingar á byggingar áætluninni, sem þér samkvæmt uppdrætti, er fylgir bænarskránni, bjóðist til að gjöra án þess að brugðið sé útaf borguninni, sem samið er um fyrir bygginguna alla, og hefir timburmeistari *Unmack*, sem gengizt hefir undir að vera borgunarmaður og ábyrgjast að það verði gjörst, sem þér hafið gengizt undir í samningnum, einnig ritað vottorð á bænarskrána, að hann hafi ekki neitt ámoti, að fallizt verði á þessa uppástungu.